

恭穆王諱宣堦隆慶四年封行誼文詞皆不作意
矜飾而高簡恬粹脩然有出塵之標從來稱蜀

郡賢者皆以王置第一流所著有捧日樓稿行
于世萬曆三十六年薨長子奉釗未封卒次子
奉鑑嗣爲

今王名奉鑑雅好詩書家庭雍睦初病肺察脉者
謂不治其妃丘氏刲股以進遂愈人以此覘刑
于之善云

德陽王府

僖安王和王弟三子諱友城正統十一年十二月
二十四日封成化十一年五月初八日薨諡僖